



欽定續通典卷九十七

兵

示弱

唐太宗曰守示以不足敵必來攻是敵不知其所攻也

攻示以有餘敵必自守是敵不知其所守也又魏博田

悅兵圍邢州身攻臨洺築重城絕內外援邢將李洪臨

洺將張仵固守詔馬燧與李抱真李晟合軍救之燧出

鄆口未過險移書抵悅示好悅以燧畏已大喜旣次邯

鄆悅使至燧皆斬之遣兵破其支軍又袁滋討吳元濟

欽定續通典

卷九十七

一

至唐州元濟圍其新興柵滋卑辭以請之元濟由是不

復以滋爲意朝廷知之貶滋撫州刺史以李愬代之愬

至唐州知士卒憚戰謂之曰天子知愬柔弱故使拊循

爾曹至於戰攻進取非吾事也衆信而安之愬親行視

士卒不事威嚴或以軍政不肅爲言愬曰吾非不知也

袁尙書專以恩惠懷賊賊易之聞吾至必增備吾故示

之以不肅彼必以吾爲弱而懈惰然後可圖也淮西人

輕愬不爲備愬遂襲蔡州

五代梁朱友謙以河中同州攻晉梁遣劉鄩攻同州友



謙求救乃遣符存審與李嗣昭救之河中兵少而弱梁人素易之且不虞晉軍之速至也存審選精騎二百雜河中兵出擊鄆壘陽敗而走鄆兵追之晉騎反擊獲其騎兵五十梁人知其晉軍也皆大驚然河中糧少而新降人心頗持兩端晉軍屯朝邑諸將皆欲速戰存審曰使梁軍知吾利於速戰則將來渭而營斷我餉道以持久困我則我進退不可敗之道也不若按兵示弱伺隙出奇可以取勝嗣昭從之居旬日望氣者言有黑氣狀如鬪雞存審曰可以一戰矣乃進軍擊鄆大敗之

欽定續通典

卷九十七

二

宋苗傅劉正彥反韓世忠率兵討之至秀州稱病不行治器械傅等始懼初傅正彥聞世忠來檄其兵屯江陰世忠以好語報之且言所部零殘欲赴行在傅等大喜許之時世忠妻梁氏及子諒爲傅所質防守嚴密於是朱勝非給傅遣之梁氏疾驅出城會世忠於秀州世忠知其謀進兵益急擒賊伏誅

明李文忠擣應昌令士卒各持二十日糧兼程進與敵遇力戰走之追至瀚海敵至益衆乃據險爲營示以單弱敵疑有伏遁去



五代梁太祖遣子友寧攻青州王師範乞兵於楊行密行密遣其將王茂章以步騎七千救之茂章與友寧戰大敗之遂斬友寧以其首報行密是時梁太祖方攻鄆州聞友寧死以兵二十萬倍道而至茂章閉壘示怯伺梁兵怠毀柵而出驅馳疾戰戰酣退坐召諸將飲酒已而復戰太祖登高望見之得青州降人問飲酒者是誰曰王茂章也太祖歎曰使吾得此人爲將天下不足平也

欽定續通典

卷九十七

三

宋狄青在涇原常以寡當衆預戒軍中盡捨弓弩皆執短兵密令軍中聞鉦一聲則止再聲鉦則嚴陣而陽却鉦聲止則大呼而突之士卒皆如其教纔遇敵未接戰遽聲鉦士卒皆止再聲則却敵大笑相謂曰孰謂狄天使勇鉦聲止忽前突之敵兵大亂相蹂踐死者不可勝計又張俊討李成時成圍江州未解成黨馬進在筠州俊急趨豫章旣入城喜曰我已得洪州破賊決矣及進犯洪州連營西山俊歛兵若無人者金鼓不動令將士登城者斬居月餘進以大書牒索戰俊以細書狀報之



賊以俊爲怯故懈俊密遣岳飛楊沂中由上流絕生米  
渡出賊不意追奔七十里又與賊戰令陳思恭從山後  
馳擊夾攻破之

元巴延久居北邊時有譖其與海都通好者詔以御史  
大夫伊實特穆爾代之未至會海都兵復至巴延遣人  
請伊實特穆爾曰公姑止待吾翦此寇而來未晚也巴  
延與海都兵交且戰且却凡七日諸將以爲怯憤曰果  
懼戰何不授軍於大夫巴延曰海都懸軍涉吾地邀之  
則遁誘其深入一戰可擒也諸軍必欲速戰若失海都  
欽定續通典

卷九十七

四

誰任其咎諸將曰請任之卽還軍擊敗之海都果脫去  
示緩

唐賊史思明旣襲降許叔冀乘勝西向李光弼敦陣徐  
行趨河陽身以五百騎殿賊游騎至石橋諸將曰並城  
而北乎當石橋而進乎弼曰當石橋而進令甲士夜持  
炬徐引部曲重堅賊不敢逼已而賊來攻光弼與戰中  
澗西斬千級執五千人又郭子儀屯奉天僕固懷恩誘  
吐蕃回紇入寇衆請擊之子儀曰客深入利速戰彼下  
素德我緩之當自攜貳因下令敢言戰者斬堅壁待之



敵果遁去

五代唐王晏球攻定州王都久不克明宗數遣人促其破賊晏球以爲未可急攻其偏將朱宏昭張虔釗等宣言曰晏球性耳乃驅兵以進兵果敗殺傷三千餘人由是諸將不敢復言攻晏球乃休養士卒食其三州之賦悉以俸祿所入具牛酒日與諸將高會久之都城中食盡先出其民萬餘人數謀決圍以走不果都將馬讓能以城降都自焚死

遼將克黨善蘇庫劫西樓按遼有四樓在上京者曰西樓木葉山曰南樓龍化州曰

欽定續通典

卷九十七

五

東樓唐州曰北樓歲時遊獵常在四樓間太祖至土河秣馬休兵若不爲意諸將請急追之帝曰俟其遠遁人各懷土懷土旣切其

心必離我軍乘之破之必矣

金宗弼再取河南宋李興據河南府李成軍入孟津興率衆薄城鼓譟請戰成不應日下昃興士卒倦且飢成開門急擊大破之興走漢南成遂取洛陽嵩汝等河南

平

元世祖中統初國寶討阿勒達爾叛將和托特和托據吐蕃之達實嶺衆欲速戰國寶曰此窮寇也宜少緩以



計破之遂以精兵襲其後和托欲西走國寶據險要之  
挑戰則斂兵自固相持兩月潛兵出其不意擒殺之  
明威寧伯王越與保國公朱永巡邊猝遇敵主客不當  
永欲走越止之列陣以自固敵疑未敢前薄暮令騎皆  
下馬銜枚魚貫而行毋反顧自率騎殿後從山後走五  
十里抵城敵不覺明日謂永曰我一動敵躡擊無噍類  
矣結陣示服形惑之也

吳聲言擊東其實擊西

唐曹王臯爲江南西道節度使時李希烈反賊樹堡柵  
欽定續通典

卷九十七

六

於蔡山臯度峻險不可攻乃聲言西取蘄州理戰艦分  
兵傍南涯與舟師泝江而上賊以老弱守柵引軍循江  
隨戰艦南北與臯兵相直去蔡山三百里賊亦隨之乃  
令徒兵悉登舟順流東下不一日拔蔡山賊還兵救柵  
間一日方至大破之因取蘄州降其將李良復至黃州  
斬首千餘級軍益振

五代初淮南節度使高駢死淮南亂楚州刺史劉瓚奔  
梁梁王納之時欲攻徐州時溥乃遣朱珍將兵數千以  
東聲言送瓚還楚溥聞珍以兵來果出兵拒之珍戰於



吳康大敗之取其豐蕭二縣別遣龐師古攻徐州又晉軍與梁將劉鄩對壘於莘晉軍數挑戰鄩閉壁不出晉王留符存審於莘聲言西歸鄩聞晉王且去卽引兵擊魏攻城東王行至貝州反擊鄩大敗之追至於故元城又敗之鄩走黎陽

宋王韶旣破羌衆會轄戩度洮爲之援餘黨復集韶乃命別將趙竹牛嶺虛張軍聲而潛師越武勝遇轄戩等與戰破之遂改武勝爲鎮洮軍

金宗弼復取河南徐文破宋將李寶於濮陽孟邦傑於欽定續通典

卷九十七

七

登封宋蔣知軍據河陽文遲明至其城下使別將攻城東北自將精銳潛師襲南門城中悉衆救東北文乃自南門斬關入城宋軍潰去追擊敗之

元巴延伐宋宋淮西制置使夏貴等以戰艦萬艘分據要害兵不得進千戶馬福建言淪河口可通沙蕪入江巴延使覘沙蕪口夏貴亦以精兵守之乃圍漢陽軍聲言由漢口渡江貴果移兵援漢陽大軍次漢口諸將自漢口開壩引船入淪河先遣萬戶阿老罕以兵拒沙蕪口逼近武磯巡視陽羅城堡徑趨沙蕪遂入大江



明傅友德與湯和分道伐蜀和以舟師攻瞿塘友德以步騎出秦隴疾馳至陝集諸軍聲言出金牛而潛兵趨陳倉攀援巖谷晝夜行抵階州敗蜀將丁世珍克其城度白龍江橋破五里關遂拔文州又成祖將取滄州乃下令東征將士頗不樂張玉朱能爲言成祖密諭之曰德州城壁堅定州城粗備皆難猝下獨滄州土城隳圯日久天寒地且凍修城不易乘其未備攻之必克兵貴神密佯言東征者使彼懈不備耳乃以夜三更起程直抵滄州城下守將徐凱始覺衆股栗不能甲遂麾兵四

欽定續通典

卷九十七

八

面急攻拔之

神密示形在彼而攻於此

唐李愬謀襲蔡時賊將李祐有膽畧守興橋柵嘗侮易官軍愬召其將史用誠誠之曰今祐以衆獲麥於張柴爾可三百騎伏傍林中又使搖旗於前示將焚麥者祐素易我軍必輕而來逐爾以輕騎搏獲之用誠如其言果擒祐而還又高仁厚爲行軍司馬將兵三千討韓秀昇屈行從召耆老詢以山川蹊徑及賊寨所據喜曰賊精兵盡在舟中使老弱守寨而資糧皆在寨中此所謂



重戰輕防其敗必矣乃揚兵江上爲欲涉之狀賊晝夜禦備遣兵挑戰仁厚不應潛遣勇士千人攻焚其寨賊救之不及資糧蕩盡仁厚遣兵於要路邀擊且招之賊衆執秀昇行從以降

五代梁王彥章與唐相持於楊劉是時唐已得鄆州郭崇韜曰彥章圍我於此其志在取鄆州耳臣願得兵數千據河下流築壘於必爭之地以應鄆爲名彥章必來爭旣分其兵乃可圖也然版築之事難以卒就陛下日以精兵挑戰使梁兵不得東十日壘成矣崇韜與毛彰欽定續通典

卷九十七

九

將數千人夜行渡河築壘於博州東晝夜督役六日壘成彥章果引兵來攻天熱卒疲不克還趨楊劉莊宗迎擊遂敗之

宋种師道知滑州督諸道兵城席葦土賦工敵至堅壁葫蘆河師道陣於河滸者將決戰者陰遣偏將曲充徑出橫嶺揚言援兵至敵方駭顧楊可世潛軍衝其後姚平仲以精甲衷擊之敵大潰卒城而還又畢再遇與陳孝慶取泗州尅日進兵金人聞之閉權場塞城門爲備再遇曰敵已知吾濟師之日矣兵以奇勝當先一日出



其不意孝慶從之乃進兵薄泗州泗有東西二城再遇  
令陳戈旗舟楫於石圍下如欲攻西城者乃自以麾下  
兵從陡山徑趨東城南角先登金人潰守將北遁兩城  
遂定

金太宗天會初烏塔噶叛太宗命阿里罕次子晏督扈  
從諸軍往討之至混同江諭將士曰今叛衆依山谷地  
勢險阻林木深密吾騎卒不得成列未可以歲月破也  
乃具舟楫艤江令諸軍據高山連木爲柵示以持久計  
且言俟大軍畢集而發乃潛以舟師浮江而下直擣其

欽定續通典

卷九十七

十

營遂大破之據險之衆不戰而潰月餘一境皆定又赫  
舍哩志寧以精兵萬人發自睢陽趨宿州宋將李顯忠  
聞志寧軍止萬人甚易之志寧將至宿州仍令從軍盡  
執旗幟駐州西爲疑兵三明安兵駐州南志寧自以大  
軍駐州東南扼其歸路顯忠望見州西兵旌旗蔽野果  
謂大軍在州西而謂東南兵少不足慮先擊之以步騎  
數萬皆執盾背城爲陣外以行馬捍之使別將將兵三  
千出自東門欲自陣後攻志寧軍萬戶布勒察擊敗之  
右翼萬戶瓜爾佳清臣爲前行撤毀行馬短兵接戰顯



忠軍亂諸將乘之追殺至城下又布薩揆總大軍南伐分兵爲九路進揆以行省兵三萬出潁壽至淮宋人旅拒於水南揆密遣人測淮水惟八疊灘可涉卽遣鄂屯驪揚兵下蔡以示欲渡宋帥何汝礪姚公佐悉銳師屯花靨以備揆乃遣右翼都統完顏薩布先鋒都統納喇巴哩潛渡八疊駐南岸揆麾大軍直壓其陣敵不虞我兵卒至皆潰走自相蹂踐死於水者不可勝計進奪潁口不安豐軍遂攻合肥取滁州盡獲其軍實

元張宏範旣克宋三江寨至漳州軍東門命別將攻南門西門遂乘虛破其北門克之

欽定續通典

卷九十七

十一

明徐達從太祖討陳友諒率舟師順流而上直抵安慶先陳陸兵以疑友諒潛令俞通海等以精兵擣其水寨友諒軍不及支遂大破之又沐英從傅友德征雲南師至白石江元梁王遣兵十萬拒戰友德欲渡江英整諸軍若將渡者而以奇兵潛從下流濟遠出陣後元兵驚擾英急麾軍渡江以善泅者先之長刀斫其軍軍却師畢濟慶戰良久復縱鐵騎遂大敗之

示無備設伏取之



唐黃巢陷東都鳳翔節度使鄭畋遣兵戍京師賊將王璠率衆三萬來攻畋使行軍司馬唐宏夫設伏以待璠內輕敗儒柔縱萬騎鼓而前畋以銳卒數千當賊疏陣賊不測衆寡陣未整伏發衆皆囂日暮軍四合麀戰龍尾坡殺賊二萬級多獲鎧仗璠遁去

元張宏範討李瓊於濟南瓊出軍突諸將營獨不向宏範宏範築長壘內伏甲士而外爲壕開東門以待之夜令士卒浚壕益深廣瓊不知也明日擁飛橋來攻未及岸軍陷壕中得跨壕而上者突入壘門遇伏兵皆死

欽定續通典

卷九十七

七

示強

唐武后垂拱初突厥犯邊命黑齒常之率兵拒之至兩井忽遇敵衆三千方擐甲常之見其囂領二百餘騎身

當先鋒直衝之敵皆棄甲而散比暮賊衆大至常之令伐木營中然火如烽燧時東南忽有大風起敵疑救至夜遁又吐蕃陷瓜州以張守珪爲瓜州刺史領餘衆修築州城板堞初立敵暴至城下城中人相顧失色守珪曰彼衆我寡又創痍之後不可以矢石相持須以權道制之乃於城上置酒作樂以會將士敵疑有備不敢攻



而退守珪縱兵擊敗之於是修復廨宇收合流亡皆復舊業又永王璘拒命肅宗遣啖廷瑤招諭之時河南招討判官李銑以廣陵步卒三千同出於瓜步廣張旗幟耀乎江津璘登俾望之竟日始有懼色其夕銑令多燒火人執兩炬以疑之隔江望者兼水中之影一皆爲二璘軍人以火應之璘懼以爲官軍悉濟矣遂宵遁又東川留後高仁厚討叛將楊師立賊黨鄭君雄張士安堅壁不出仁厚曰攻之則彼利我傷圍之則彼困我逸遂列十二寨圍之夜二鼓君雄等出勁兵掩擊城北寨副

欽定續通典

卷九十七

三

使楊茂言不能禦帥衆棄寨走其旁數寨亦走東川人併兵南攻中軍仁厚聞之大開寨門自帥士卒爲兩翼伏道左右賊至見門開不敢入還去仁厚發伏兵擊之東川兵大奔追至城下斬獲甚衆而還

五代梁太祖攻濮州已破濮人積草焚之梁兵不得入是時梁將王重師方病金瘡卧帳中諸將彊之重師遽起悉取軍中氈毯沃以水蒙之火上率精卒以短兵突入梁兵隨之皆入遂取濮州

唐與梁軍戰潘張軍敗而潰莊宗得三四騎馳去梁兵



數百追及攢稍圍之唐將元行欽望其旗而識之馳一騎奮劍斷其二矛斬首一級梁兵解去又萇從簡以功遷步軍都指揮使莊宗與梁軍對陣梁軍有執大旗出入陣間者莊宗登高邱望見之歎曰彼猛士誰能爲我取之者從簡因前請往莊宗惜之不許從簡潛率數騎馳入梁軍奪其旗而還軍中皆鼓噪莊宗壯之

晉皇甫遇與契丹戰至榆林爲敵所圍遇乘馬中鏑而斃遇有僕杜知敏以馬授遇遇得馬復戰久之稍解顧杜知敏已被獲遇謂慕容彥超曰知敏義士也豈可失

欽定續通典

卷九十七

古

之遂與彥超躍馬入陣取之而還敵壯之俄而生軍復合遇不能解時安審琦已至安陽河謂首將張從恩曰皇甫遇等未至必爲敵騎所圍若不急救則成擒矣從恩曰敵勢甚盛無以枝梧將軍獨往何益審琦曰成敗命也設若不濟則與之俱死若失此二將將何面目以見天子遂率鐵騎北渡赴之敵見塵起謂救軍併至乃引去遇與彥超中數槍得還時諸軍歎曰此三人皆猛將也

宋曹彬伐江南朱令贇自湖口入援衆號十五萬順流



而下將焚采石浮梁彬聞之遣戰權都部署王明密令人樹長木於洲渚間若帆檣之狀令贊望見疑有伏逗撓不敢進又真宗時寇準爲相值契丹大舉入邊王欽若陳堯叟請出幸以避之獨準力勸帝親征帝至澶州見契丹兵盛衆請駐蹕準曰陛下不過河則人心益危况王超李繼隆石保吉等各分兵扼其旣背四方援兵日至何疑而不進高瓊亦固請帝乃渡河遠近望見御蓋皆踴躍呼萬歲敵人氣奪又王德用判定州兼三路都部署德用時教士卒習戰頃之士勇皆可用契丹遣

欽定續通典

卷九十七

五

人來覘或請捕之德用曰彼得其實以告是服人之兵以不戰也明日大閱於郊下令具糗糧聽吾鼓視吾旗所向覘者歸告敵謂漢兵將大至和議益決又儂智高反以孫沔爲廣南安撫使沔請發騎兵求武庫精甲五千梁適折沔曰毋張皇沔曰前日惟無備故至此今乃欲示鎮靜邪夫實備不至而貌爲鎮靜危亡之道也乃與兵七百人沔憂賊度嶺而北乃檄湖南江西曰大兵且至其繕治營壘多具燕犒賊疑不敢北侵又种師道將至洛陽聞幹里雅布屯京城下或止勿行曰敵勢方



銳願少駐汜水以謀萬全師道曰吾兵少若遲回不進  
形見情露祇取辱焉今鼓行而前彼安能測我虛實都  
人知吾來士氣自振何憂敵哉揭榜沿道言种少保領  
西兵百萬來遂抵城西趨汴水南徑逼敵營金人懼徙  
砦稍北又王德討賊李成以百騎覘賊至上蔡驛口橋  
賊疑爲誘騎擁衆欲西德麾騎大呼曰王師大至矣賊  
駭遁追殺甚衆又魏勝取海州郡守高文富遣兵來捕  
勝迎擊走之追至城下衆驚傳水陸恣有兵城中大恐  
文富閉門守驅民上城禦之勝令城外多張旗幟舉烟

欽定續通典

卷九十七

去

火爲疑兵繼遣勇銳者登城樓餘自城門入莫有禦者  
遼景宗乾亨元年宋旣下河東乘勝侵燕耶律學古受  
詔往援始至京宋敗耶律希達蕭托郭等勢益張圍城  
三周穴城而進城中民懷二心學古以計安反側隨宜  
備禦晝夜不少懈適有敵三百餘人夜登城學古戰却  
之會援軍至圍遂解學古開門列陣四面鳴鼓居民大  
呼聲震天地旋有高梁之捷二年伐宋會宋將潘美率

兵分道來侵學古以軍少虛張旗幟雜丁黃

按禮男幼爲黃四歲

爲小十六爲中二十一爲丁軍中雜幼弱以疑敵也爲疑兵是夜適獨虎峪舉烽



火遣人偵視見敵俘掠村野擊之悉獲所掠物擒其將  
領又耶律都沁侵宋分總羸師以從及戰取緋帛被介  
胄以自標顯馳突出入敵陣格殺甚衆

金薩滿阿里值遼人來攻貝勒和色哩城阿里率百餘  
騎救之遼兵數萬阿里兵少乃令軍士裂衣多爲旗幟  
出山谷間遼兵望見遁去又龐迪知懷德軍兼沿邊安  
撫使夏人合兵五萬薄懷德城迪開門待之夏人不敢  
入因以數千騎分門突出遂破之斬首五百級

元齊榮顯與宋兵戰次五河口抵大堤榮顯偕數騎前

欽定續通典

卷九十七

七

行覘敵值邏騎數十從者將退榮顯曰彼衆我寡若示  
以怯必爲所乘援弓策馬射殺兩人而還又至元時納  
延叛軍駕親征察球爾扈從遇納延駐兵萬餘察球爾  
兵不滿三千衆有懼色察球爾夜令軍士多裂裳帛爲  
旗幟斷馬尾爲旄掩映林木張設疑兵納延兵大驚以  
爲官兵大至遂降

明李文忠爲浙東行省左丞時張士誠急攻諸全守將  
謝再興告急遣胡德濟往援再興復請益兵文忠兵少  
無以應會太祖使邵榮討處州亂卒文忠乃揚言徐右



丞邵平章將大軍尅日進吳軍聞之懼謀夜遁德濟與再興夜半開門突擊大破之又傅友德征蜀蜀將吳友仁謀復漢中兵大至守臣告急友德以精騎攻斗山寨令人持十炬列山上蜀兵驚遁又平安兵圍北平甚急劉江請往救與成祖約曰臣出北平以礮響爲號一礮則決圍二礮則入城若三礮不聞則臣必戰死臣決圍之後宜令後軍帶十礮俟三礮既響爲殿者常放礮不絕聲則遠近皆謂大軍繼至平安必駭走矣江遂進兵與安戰悉如其策大敗平安又成祖師至瓜洲盛庸以

欽定續通典

卷九十七

六

海艘迎戰列兵沿江上下二百里皆大驚愕師漸近岸庸等整師以禦成祖麾諸將鼓譟先登以精騎數百衝庸軍南師大潰乃令來降海舟懸黃幟往來江中鎮江城可望見驚曰海舟皆已降吾將何爲其守將章俊遂率衆來降又王信守備荆襄劉千斤反信以房縣險進據之民兵不滿千人賊四千餘衆突至圍城主帥逗遛不進拒四十餘日信選死士出城五六里舉火礮賊以爲援兵至驚走追敗之又胡宗憲旣說降倭寇汪直遣

諭巨賊徐海謂不早降新總督用兵如神後悔何及海



因要請中國貨物以遺他酋宗憲佯諾之輒以銀幣厚遺謀者而陰令營中盛兵容故縱敵瞰之明日復遣人來待之如初海于是歸心于宗憲矣

敵軍攻城久不下師老取之

宋趙范統軍攻唐鄧時金人在蘄黃孟宗政惑之范曰撤襄陽之備以救蘄黃則唐鄧之師必躡吾後且蘄黃之師正銳曷若先擣唐鄧以示有餘唐鄧應我不暇則吾圍不守而自固敵在蘄黃師日以老然後回師蹙之則勝敵而無後患矣

欽定續通典

卷九十七

五

遼蕭思溫爲南京留守會周師來侵圍馮母鎮勢甚張思溫請益兵帝報曰敵來則與統軍司併兵拒之敵去則務農作勿勞士馬會敵入東城我軍退渡滹沱而屯思溫勒兵徐行周軍數日不動思溫與諸將議曰敵衆而銳戰不利則有後患不如頓兵以老其師躡而擊之可以必勝諸將從之周師引退

金章宗泰和六年宋將李爽圍壽州田俊邁陷蘄縣平章政事布薩揆遣安國軍節度副使納刺巴哩與穆延薩克達以精騎三千戍宿州俊邁果率步騎二萬來襲



郭倬李汝翼以衆五萬繼至遂圍城攻之甚力城中叢射敵不能逼會淫雨潦溢敵露處勞倦巴哩遣騎二百潛出敵後突擊之敵亂薩克達率騎蹂之殺傷數千人敵復聞援軍將至遂夜遁巴哩薩克達躡其後黎明合擊大破之獲田俊邁

元王義拔束鹿金將武仙以兵四萬來攻諭軍士曰束鹿兵少無糧城無樓櫓一日可拔也因盡銳攻擊義隨機應拒積三十日不能下義召將佐曰今城守雖有餘然縣無援兵糧食將盡豈可坐而待斃椎牛饗士率精銳三千銜枚夜出直擣仙營仙軍亂乘暗攻之殺數千人仙率餘衆遁還

明傅友德取雲南兵已抵烏撒將城之工甫集蠻大至友德故持重不戰以老之士踴躍思奮乃前爲陣蠻麇集友德鼓士奮擊大破其衆蠻遁



欽定續通典卷九十八

兵

佯敗引退取之

五代初淮南節度高駢爲畢師鐸所攻楊行密率兵數千赴之行至天長師鐸已囚駢行密不得入屯於蜀岡師鐸率衆數萬出擊行密行密佯敗棄營走師鐸兵飢乘勝爭入營收軍實行密反兵擊之師鐸大敗

唐周德威身爲大將常與士卒馳騁矢石之間梁軍圍太原募生致周陽五者

德威小字陽五

爲刺史有騎將陳章者

欽定續通典

卷九十八

一

乘白馬被朱甲以自異請致之德威因戒其部兵曰見白馬朱甲者佯走以避之兩軍皆陣已微服雜卒伍中陳章出戰兵始交德威兵退走章奮稍追之德威伺章已過揮鎚擊墮馬遂生擒之

金完顏璋將兵二萬救德順宋將吳璘據城北險要爲營璋亦策營與璘相望可三里許兩軍遇於城東凡五接戰璘軍敗走璋追至城下璘軍已據城北岡阜與其城上兵相應以弩夾射璋軍璋軍佯却城中出兵來追

璋反施與戰大敗之



元阿珠奉命畧淮東抵揚州宋都統姜才領步騎一萬來攻敵軍夾河爲陣阿珠麾騎士渡河擊之戰數合望不能却衆軍佯北才逐之遂奮而回擊萬矢雨集才軍不能支擒其副將張林斬首萬八千級又大德中羅和反詔劉國傑討之師出播州與賊戰不利乃令軍士人持一盾布釘其上既戰卽棄盾佯却賊追之奮不能止遇盾皆仆國傑鼓譟趨之賊大敗

明徐達帥兵取中原至山東界首克沂州進取青州遇元將伊蘇兵乃命傅友德率騎與戰佯北伊蘇來追達

欽定續通典

卷九十八

二

麾後軍前進俘斬甚衆伊蘇遁遂下青州

臣等謹案杜典此下有僞稱敗怠敵取之條考僞敗與佯敗無甚差別今不復分析

引退設伏取之

唐高祖武德初劉武周將黃子英往來雀鼠谷高祖令武衛將軍姜寶誼擊之子英數以輕兵挑戰寶誼兵纔接子英輕遁如此者三寶誼悉兵逐之伏發軍大敗寶誼被擒又郭子儀圍衛州安慶緒分其衆爲三軍將戰子儀選善射士三千伏壁內戒曰須吾却賊必乘壘若



等諫而射旣戰僞通賊薄營伏發注射賊震駭而奔斬首四萬級執安慶和收衛州

五代周世宗伐江南大將張永德請行師至壽春劉仁贍堅壁不下永德出疲兵居前誘之伏精兵於便地每戰佯不利北退三十里伏兵悉起前後夾攻大敗之仁贍僅免

宋高宗紹興初權京西南路副總管李忠反陷金州諸關王彥與戰不利退屯秦郊令將士盡伏山谷間焚積聚僞若遁者秦郊距郡城二十里路坦夷募敢死士易欽定續通典

卷九十八

三

麾幟設奇以待闕再宿賊至秦郊逆戰大敗之遼太宗自將援石敬瑭會唐將高行周符彥卿以兵來拒遂勒兵陳於太原及戰佯却行周彥卿追之爲伏兵所斷首尾不相救大敗之棄仗如山斬首數萬級又耶律色珍聞宋將楊繼業出兵令蕭達林伏兵於路明日繼業兵至色珍擁衆爲戰勢繼業麾幟而前色珍佯退伏兵發色珍進攻繼業敗走

金珠嘉辰嘉伐宋時宋兵二千屯高柳橋其寨兩城環之以水辰嘉先令水軍徑渡攻之大軍繼進夷其寨而



還遇宋兵數千於梅景村辰嘉伏兵林間以步卒誘致之伏發宋兵潰追奔十餘里生擒其將阮世安等五人獲器仗甚衆又赫舍哩約赫德圍盱眙宋人閉門堅守不敢出以騎兵分掠境內而時遣羸卒薄城誘之宋人出騎數百來拒約赫德麾兵佯北發伏擊之斬首二百宋人復出步騎八千來援又擊敗之

元王義從穆呼哩取鉅鹿洛州二城還軍至廣陽西九門遇金監軍納蘭牽冀州節度使柴茂等將兵萬餘北行王義伏兵桑林先以百騎挑之納蘭迎戰因稍却誘

欽定續通典

卷九十八

四

之近桑林伏起金兵大亂奔還又石應天取綏德金行省完顏哈達出兵三萬陣於城東蒙古布哈以騎三千覘之馳報曰彼見吾兵少有輕敵心明日合戰當佯敗可以伏兵取勝也從之夜半以太軍銜枚齊進伏於城東十五里兩谷間明日蒙古布哈進兵望見金兵卽棄鼓旗走金兵果追之伏發鼓聲震天地萬矢齊下金兵

大敗

明太祖因元兵圍六合率師救之設伏澗側令耿再成佯敗誘之渡澗伏發城中亦鼓譟出來擊之元兵大敗



去滌城以全又郭英隨徐達率兵進抵河西務英首與元兵戰大捷翌日大霧英令千人伏道傍率精騎二千直抵城下元將率敢死士萬餘張兩翼出戰良久英佯敗敵乘勝來追伏兵起截其軍爲二斬首數千級

聲言退誘敵破之

五代梁遣楊師厚攻王師範屯於臨胸師範以兵迫之師厚陽爲却不敢出間遣人陽言曰梁兵少方乞兵於鳳翔今糧且絕當還軍師範以爲然乃遣弟師魯悉兵攻之師厚拒而不戰師魯兵却師厚追擊大敗之師範

欽定續通典

卷九十八

五

請降

唐莊宗與梁將劉鄩相拒於魏數以勁兵壓鄩營鄩不肯出莊宗謂諸將曰劉鄩學六韜喜以機變用兵本欲示弱以襲我今其見迫必求速戰乃聲言歸太原命符存審守魏陽爲西歸而潛兵貝州鄩果報末帝曰晉王西歸魏無備可擊乃以兵萬人攻魏城東莊宗自貝州返趨擊之鄩忽見晉軍驚曰晉王在此邪兵稍却追至故元城莊宗與符存審爲兩方陣夾之鄩爲圓陣以禦

晉人兵再合鄩大敗南奔



五代初秦宗權遣張晠攻汴梁王聞晠來登封禪寺後岡望晠兵過遣朱珍躡之戒曰晠見吾兵必止望其止當速返毋與之鬪也已而晠見珍在後果止珍卽馳還王令珍引兵蔽大林而自率精騎出其東伏大眾間晠止而食畢拔旗幟馳擊珍珍兵少却王引伏兵橫出斷晠軍爲三而擊之晠大敗脫身走

周世宗遣王景向訓攻秦鳳州數爲蜀將王環所敗周兵糧道頗艱孟昶遣兵出堂倉抵黃花口以爭糧道景訓先知其來命張建雄以兵當谷口別遣將以勁卒出其後伏堂倉以待其歸蜀兵前遇建雄戰不勝退走堂倉伏發盡殪之由是蜀兵守諸城堡皆潰

金章宗泰和時宋程松遣將曲昌世襲方山原自率兵數萬分道襲和尚原西山寨龍門等關遂據之富察貞遣費摩阿里及完顏布倫以兵千人伏方山原下別遣鄂屯薩哈瑪勒及珠赫哈達將壯士五百取間道潛登出宋兵上自高而下宋兵大駭伏兵合擊遂破之貞乃分遣諸將率兵千人取和尚原西山寨自以兵七百由



中路取龍門等關

元安扎爾攻西和州宋將馮俊領眾數萬擊壁清野以老元師安扎爾率死士罵城下挑戰俊怒悉眾出陣安扎爾佯走俊追之因以奇兵奪其城伏兵要其歸轉戰數十里斬首數千級擒俊餘眾退保仇池進擊援之

設伏引敵鬪襲其營

五代初梁太祖與秦宗權將張晁相拒於汴使張歸霸以弓手五百人伏湍中太祖以騎數百爲游兵過晁柵晁出兵追之歸霸發伏殺晁兵千人奪馬數十匹

欽定續通典

卷九十八

七

宋邱岳知真州蒙古率眾攻城岳以强弩射其帥斃之敵少却岳曰敵兵十倍於我不可以力勝乃爲二伏設礮石以待之敵至伏發殺其驍將敵眾大擾又遣勇士襲其營焚其廬帳敵惶駭遂引去

明王守仁討橫水賊謝志山駐南康去橫水三十里先遣四百人伏賊巢左右進軍逼之賊方迎戰兩山舉幟賊驚謂官軍已盡犁其巢遂潰乘勝克橫水

設伏引敵鬪敗之附

元順帝至正末劉福通陷汴梁察罕特穆爾大發秦晉



諸軍會汴城下奪其外城察罕自將鐵騎屯杏花營諸將環城而壘城中屢出戰輒敗遂嬰城以守乃夜伏兵城南旦日遣苗軍跳梁者畧城而東敵傾城出追伏兵鼓譟起邀擊敗之

明額森破紫荆關直入窺京師石亨議堅壁以老之于謙曰是益張其勢也亟擐甲營於德勝門額森見兵盛而嚴以騎來嘗謙乃設伏於空舍使數騎誘之敵以萬騎來薄伏發敗之

臣等謹案襲其營是往襲其營也敗之是敵來而

欽定續通典

卷九十八

八

敗之也事雖稍異而敗敵之策同杜典無此口謹倣此例增附於此

示退乘懈掩襲

五代梁將葛從周圍朱瑾於兗州瑾閉壁不出從周詐言救兵至陽避之高吳夜半潛還城下瑾謂從周已去乃出兵收外壕從周掩擊之殺千餘人

敵退追奔

五代初楊行密將王景仁救王師範既敗梁兵引還梁兵急追之景仁度不可走遣裨將李虔裕以衆一旅設



伏於山下以待之留軍不行解鞍而寢虞裕疾呼曰追兵至矣宜速走吾以死遇之景仁曰吾亦戰於此也虞裕三請景仁乃行而虞裕卒戰死梁兵以故不能及而景仁乃全軍而歸

梁軍以不能及而不勝

周世宗攻楚州率戰士持火炬以襲其城樓克之帝計其敗卒必將南遁因親領衛士及驍騎數百於南城逐之又殺數千人楚州遂平

金太祖自將精兵襲遼主於大魚灤普嘉努宗望率兵四千爲前鋒晝夜兼行馬多乏追及遼主於石輦驛軍欽定續通典

卷九十八

九

士至者才千人遼軍餘二萬五千方治營壘普嘉努與諸將議伊都曰我軍未集人馬疲劇未可戰宗望曰今追及遼主而不亟戰日入而遯則無及遂戰短兵接遼兵圍之數重士皆殊死戰遂敗遼兵

元世祖至元末宗王明琦特穆爾挾海都叛巴延討破之明琦特穆爾挺身走命蘇克特們德爾等追之巴延引軍夜還卒遇伏兵巴延堅壁不動黎明遂引去巴延輕騎追擊之會蘇克特們德爾等兵亦至乃夾擊之斬俘甚衆又博羅歡旣敗納延兵其黨塔布岱以兵來拒



會久兩軍乏食諸將欲退博羅歡曰今兩陣相對豈容  
先動俄塔布岱引兵退博羅歡以其師乘之轉戰二日  
大破之

明初張士誠寇建德李文忠爲帥欲擊之劉基曰三日  
後必走走而尾之可盡擒也及三日敵偽設旌旗聲鼓  
如故至其所皆空壁所留盡老弱追而薄之東陽悉獲  
其衆

縱敵退於歸路設伏取之

唐李泌因吳法超叛引步騎四千過陝乃陰遣將士伏

欽定續通典

卷九十八

十

太原倉隘令曰賊隊過東伏大呼擊之西伏亦大呼應  
之勿遮道勿留行常讓以半道又遣唐英岸夜出陣澗  
北燕子楚趣長水明日淮西兵入隘兩伏發殺賊頗衆  
進遇英岸子楚邀擊大敗之賊所餘僅四十七人

宋西夏元昊寇渭州薄懷遠城韓琦亟趨鎮戎軍盡出  
其兵又募勇士萬八千人命環慶副總管任福將之涇  
原都監桑懌爲先鋒福將行琦令福併兵自懷遠城趨  
德勝砦至羊牧隆城出敵之後諸砦相拒約四十里度  
勢未可戰卽據險置伏要其歸路戒之再三且曰苟違



節制有功亦斬福引輕騎數千趨懷遠敵棄馬羊橐駝  
伴北澤引騎追之福踵其後謀傳敵兵少福等頗易之  
與澤合軍屯好水川遇夏軍循川行出六盤山下距羊  
牧隆城五里結陣諸將方知墮敵計勢不可留遂前格  
戰夏兵四合福與澤俱戰死又宗澤爲東京留守知開  
封府時金帥烏珠自鄭抵白沙去汴京密邇都人震恐  
僚屬入問計宗澤笑曰何事張皇劉衍等在外必能禦  
敵乃選精銳數千使繞出敵後伏其歸路金人方與衍  
戰伏兵起前後夾攻之金人果敗

欽定續通典

卷九十八

十一

遼太祖追塔克至布濟克河先遣室韋及吐渾酋長巴  
拉達里庫等分兵伏其歸路別遣將進擊之塔克率兵  
逆戰相拒至晡衆乃潰追至柴河遂自焚其車乘廬帳  
而去前遇巴拉達里庫等伏發合擊大敗之塔克奔潰  
金李師夔主奉聖州事賊焦望天尹智穆率兵數千來  
寇師夔以兵臨之設伏歸路使人間望天於智穆智穆  
果疑望天先引去望天勢孤亦還遇伏而敗遂執斬之  
是後賊衆不敢入境



益師攻宋時楊存中爲淮北宣撫使屯泗州金密令人告以敵騎數百屯柳子鎮矣存中自將五百騎夜襲之黎明不見敵而還金以精兵伏歸路存中知之遂橫奔而潰

臣等謹案縱敵退而取之是將退而縱之退也誘敵進而取之是未進而誘之進也設伏於歸路之法同而縱與誘之計異杜典無此目謹做其例增附於此

兵機務速

欽定續通典

卷九十八

七

唐太宗貞觀中李靖爲西海道行軍總管討吐谷渾侯君集副之師次鄯州君集言於靖曰大軍已至賊尚未走險宜簡精銳長驅疾進彼不我虞必有大利若此策不行遁岨山谷討之實難靖然其計乃簡精銳輕齎深入追及其衆於庫山破之又史朝義乘邛山之捷進畧申光等十三州李光弼聞之就道監軍使以兵少請保揚州光弼曰朝廷以安危寄我賊安知吾衆寡若出其下意當自潰遂疾驅入徐州使田神功擊敗賊於宋州五代梁牛存節慮朱瑾召吳兵攻徐宿謀曰淮兵必不



先攻宿然宿溝壘素固可以禦敵乃夜以兵急趨徐州比傅徐城下瑾兵方至望其塵起驚曰梁兵已來何其速也不能攻而去又王晏球爲龍驤四軍都指揮使時捉生軍將李霸戍楊劉乘夜作亂自水門入縱火大譟以長竿縛布沃油仰燒建國門晏球聞亂不俟命率龍驤五百騎擊之賊勢稍却未帝登樓見之呼曰此非吾龍驤軍邪晏球奏曰亂者李霸一部爾陛下嚴守宮城責臣破賊遲明盡殺之又唐取梁鄆州召王彥章爲招討使禦之問破敵之期彥章曰三左右皆失笑彥章

欽定續通典

卷九十八

十三

馳兩日至滑州置酒大會陰遣人具舟於楊村命甲士六百人持巨斧載冶者具韞炭乘流而下彥章會飲酒半佯起更衣引精兵沿河趨德勝舟兵舉鎖燒斷之以巨斧斬浮橋而彥章急擊南城浮橋斷南城遂破蓋三日矣

唐莊宗時梁將劉鄩攻同州河中節度使朱友謙請師於唐莊宗遣符存審等往援師集河中朝至夕渡時汴人不意王師速至劉鄩曰帥行次舍倍道兼程計其行途未能及此存審聞之笑曰兵法有出奇無窮者兵若



自天而墜劉鄩善將何其昧哉又康延孝征蜀與蜀王  
衍戰三泉衍敗走斷吉柏江浮橋延孝造舟以渡進取  
綿州衍復斷綿江浮橋延孝謂招撫使李嚴曰吾遠軍  
千里入人之國利在速戰乘衍破膽之時但得百騎過  
鹿頭關彼將迎降不暇若修繕橋梁必留數日使衍得  
閉關爲備則勝負未可知也因與嚴乘馬渡江軍士隨  
之濟者千餘人遂入鹿頭關下漢州後軍始至衍弟宗  
弼果以蜀降又明宗行幸汴州至滎陽朱守殷反范延  
光曰守殷反迹始見若緩之使得爲計則城堅而難近

欽定續通典

卷九十八

十四

故乘人之未備者莫若急攻臣請騎兵五百馳至城下  
以神速駭之乃以騎兵五百自暮疾馳至半夜行二百  
里戰於城下遲明明宗亦馳至汴兵望見天子乘輿乃  
開門而延光先入猶巷戰殺傷甚衆守殷死汴州平

宋太祖建隆初李筠起兵樞密使吳延祚白太祖曰路  
城巖險且有太行之阻彼若保之未可以歲月破筠素  
輕銳若速舉兵擊之彼必出關但離巢穴卽成擒矣帝  
從其言遂親征次滎陽西京留守向拱勸帝濟河踰太  
行乘其未集誅之儻稽浹旬彼衆愈滋攻之難爲力矣



趙普亦曰兵尚拙速不貴巧遲倍道兼行掩其未備可  
一戰而克也若使堅壁固守老我師徒饋運險難勝負  
難決矣帝納之帝至澤州召控鶴指揮使馬全義問計  
策全義請并力急攻且曰緩之恐生變帝命諸軍奮擊  
親帥衛兵繼之克其城又曹瑋用兵多奇計出入神運  
不可測一日張樂飲僚吏忽失瑋所在徐出視事賊首  
已擲庭下矣嘗稱疾砭艾卧閣內會寇至則奮起裹創  
被甲跨馬賊望見皆遁去又高宗紹興初金人窺蜀時  
吳玠在河池金將薩里哈自商於直擣上洋趨洋漢守

欽定續通典

卷九十八

五

臣劉子羽告急玠自河池日夜馳三百里以黃柑遺敵  
曰大軍遠來聊用止渴薩里哈大驚以杖擊地曰爾來  
何速也又金人入合肥王德請守淮以保江遂渡采石  
張俊督軍繼之德曰明旦當會食歷陽已而夜拔和州  
敵退保昭關又擊走之追至柘臯與金人夾河而軍諸  
將皆集張俊後至統制田師中欲待之德曰事當機會  
復何待徑上馬烏珠以鐵騎十萬夾道而陣德曰敵右  
陣堅當先擊之有敵將被甲躍馬始出德引弓一發而  
斃乘勢大呼令萬兵持長斧如牆而進敵大敗又孟宗



政以棗陽圍急乃引兵午發嶼首遲明卽抵棗陽馳突如神金人大駭宵遁

遼景宗保寧初宋圍太原以耶律烏哲率兵往援至白馬嶺遣勁卒夜出間道疾馳駐太原西鳴鼓舉火宋兵以爲大軍至懼而宵遁

金章宗明昌時詔完顏安國等趨多泉子進討北方乃命支軍出東道丞相襄由西道而東軍至龍駒河爲珠卜所圍三日不得出求援甚急或請俟諸軍集乃發襄曰我軍被圍數日馳救之猶恐不及豈可後時卽鳴鼓

欽定續通典

卷九十八

七

夜發或請先遣人報圍中使知援至襄曰所遣者儻爲敵得使知我兵寡而糧在後則吾事敗矣乃益疾馳遲明距敵近衆請少憩襄曰吾所以乘夜疾馳者欲掩其不備爾緩則不及嚮晨歷敵突擊之圍中將士亦鼓譟出戰敵大敗皆奔額勒哲河遣安國追躡之衆散走

元納延叛陰遣使來結額布根舒埒赫爲都指使圖圖爾哈所執盡得其情會有言額布根叛者衆欲先聞於朝然後發兵圖圖爾哈曰兵貴神速若彼果叛我軍出

其不意可卽圖之否則與約而還卽日啟行疾馳七晝



夜渡圖喇河戰於博恰嶺人敗之額布根僅以身免  
明太祖因陳友諒降將吳宏兵使取撫州撫帥鄧克明  
欲拒宏而畏饒州守鄧愈強乃遣人詐獻地以緩師愈  
訶得之卽率勁兵間道夜馳二百里黎明下其二門克  
明單騎走旁邑自度不免以分省及撫州四路縣印詣  
愈降遂定撫州又燕王將張玉旣破李景隆兵謀報景  
隆收潰卒號百萬且至玉進計曰兵貴神速請急往白  
溝河以逸待之可勝也乃悉師而往至白溝三日而景  
隆來戰玉以麾下馳之挫其鋒大軍乘而破之又楊榮

欽定續通典

卷九十八

七

因漢王高煦反首勸宣宗親征夏原吉亦曰往事可鑒  
不可失也且兵事貴速宜卷甲韜戈以往一鼓而平之  
所謂先人有奪人之志宣宗遂意決躬率諸軍啟行不  
數日抵樂安城中駭潰遂械高煦以歸又郭登爲總兵  
官景泰初偵知額森自順聖川入營沙窩諸將以敵衆  
我寡請旋師回城登曰我軍去城已百里若一退避敵  
以鐵騎來追縱欲自全得乎敢言退者斬遂連夜進兵  
直薄敵營登奮勇先登呼聲震山谷大破其衆追至栲

栲山斬二百餘級



唐契苾何力從征吐谷渾何力欲襲之薛萬均不可何力曰敵無城郭逐水草爲生若不襲其不虞便恐鳥驚魚散一失機會後可傾其巢穴耶乃自選驍兵千餘騎直入奚倫川襲破吐谷渾牙帳斬首數千級獲駝馬牛羊二十餘萬吐谷渾主脫身免又吐蕃寇臨洮次大來谷王駿率所部二千人卷甲倍程與臨洮軍合勢以拒之吐蕃將至達延又率兵繼至駿乃出奇兵七百人衣之番服夜襲之相去五里置鼓角令前者過寇大呼後

欽定續通典

卷九十八

七

者擊鼓以應之敵衆懼疑有伏兵自相殺傷死者萬計又王君奐爲河西隴右節度使判涼州都督事開元時吐蕃大將悉諾邏入寇攻甘州焚燒市里君奐候其兵疲整士馬以掩其後會大雪敵兵凍死者甚衆遂取積石軍西路而還

五代初秦宗權稱帝遣其將秦賢盧瑋張晔攻汴賢軍板橋駐軍北郊瑋軍萬勝環汴爲三十六柵梁王遣將朱珍擊賢於板橋瑋其四柵又擊瑋於萬勝瑋敗投水死宗權聞瑋等敗乃自將精兵數千柵北郊會兗州朱



瑾鄆州朱宣來赴援王置酒軍中中席王陽起如廁以輕兵出北門襲旌而樂聲不輟旌不意兵之至也克鄆之兵又從而合擊遂大敗之斬首二萬餘級宗權與旌夜走

宋太宗端拱中遣李繼隆發鎮定軍萬餘護運契丹將耶律休格率精銳將邀於路適尹繼倫巡邊與相值休格不顧竟趨大軍繼倫謂其麾下曰敵南出而捷還則乘勝驅我北則洩怒致死我無遺類矣今但卷甲銜枚以躡之彼銳氣前驅不虞我之至勝足以自樹敗亦不

欽定續通典

卷九十八

五

失爲忠義衆皆思奮繼倫令軍中俟夜人持短兵敵方陣於前繼倫從後掩擊遂驚潰又狄青討儂智高至廣南合孫沔余靖之兵進次賓州時智高還守邕州青懼崑崙關險阨爲所據乃按兵不動下令賓州具五日糧休士卒值上元節令大張燈燭首夜宴將佐次夜宴從軍官三夜饗軍校首夜樂飲徹曉次夜二鼓青忽稱病暫起如內人之使人諭孫沔令暫主席行酒少服藥乃出數使勸勞座客至曉客未敢退忽有馳報者云夜時三鼓元帥已奪崑崙矣是夜大風雨青率兵度崑崙關



既度喜曰賊不知守此無能爲也已近邕州賊方覺逆戰於歸仁鋪青使步卒居前匿騎兵於後青登高執五色旗麾騎兵爲左右翼出其後斷敵軍爲三旋而擊之敵衆披靡遂大敗智高焚城遁去

元世祖至元時高麗人金通精據珍島以叛屢討不下以史樞爲鳳州經畧使樞至謂衆曰敵勢方張未易力勝況炎暑海氣蒸鬱弓力弛弱猝不可用宜分軍爲三多張旗幟以疑之吾與諸軍潛師擣其穴破之必矣與戰大破之其地悉平

欽定續通典

卷九十八

三

明徐達率師至太原元庫庫營於城西郭英憑高望曰彼兵多而不整營大而無備請以夜劫其營常遇春亦曰我騎兵雖集步卒未至不可與戰請夜劫營當彼衆亂主將可縛也達從其計先遣五十騎伏城東以火炮爲期至夜郭英潛入其營舉炮伏起應之鼓譟相接敵大潰自相殺戮庫庫遁去遂克太原得士馬各四十萬又藍玉襲元主特古斯特穆爾於捕魚兒海用定遠侯王弼謀戒諸軍穴地而爨毋使見烟火乘夜至海南敵營在海東北八十餘里王令弼爲前鋒疾馳襲其營敵



不虞軍至大驚迎戰敗之元主遁餘衆潰降又張輔征交趾敵於多邦城旁築土城高峻城下築重壕壕內密置竹刺壕外坎地以陷人馬輔下令期夜襲城以舉火鳴角爲號夜四鼓都督黃中銜枚昇攻具越重壕薄城下以雲梯附城牙將蔡福先登將士繼之火炬齊明銅角競響敵驚散遂入城

甘言厚幣乘懈襲之

唐初突厥頡利合兵十萬寇涇州太宗自率六騎幸涇上與頡利隔水語責以負約頡利請和詔許之誓盟於

欽定續通典

卷九十八

三

便橋之上突厥引兵退蕭瑀曰突厥未和之時諸軍爭欲戰陛下不許而敵自退其策安在帝曰突厥衆多而不整君臣之志惟賄是求故卷甲韜戈唱以金帛彼既得所欲志必驕惰然後養成俟釁一舉可滅也將欲取之必姑與之此之謂也瑀謝不及又李懷光有叛志欲併諸軍時李晟與李建徽陽惠元皆聯屯恐見脅適有使至晟所晟遂僞稱有詔徙屯卽結陣趨東渭橋未幾懷光併建徽惠元兵惠元死之晟提孤軍橫當寇鋒恐二盜合以軋之乃卑辭厚幣致誠於懷光使不爲忌後



諸路軍皆受晟節度乃移書顯讓之懷光不聽走遁河  
中

五代初山南盜孫喜以衆千人襲均州刺史呂煜不能  
禦時馮行襲爲州校乃陰選勇士伏江南獨乘小舟逆  
喜告曰州人聞公至皆欲歸矣然知公兵多民懼擄掠  
恐其驚擾請留兵江北獨與腹心數人從行願爲前導  
以慰安州民事可立定喜以爲然乃留兵江北獨與行  
襲度江軍吏前謁行襲擊喜仆地斬之伏兵發盡殺從  
行者餘兵在江北聞喜死皆潰

欽定續通典

卷九十八

五

欽定續通典卷九十八





